

**SUD BiH** Žrtve ogorčene nakon jučerašnje presude srebreničkom egzekutoru

# Ako je Ivanović samo gledao, ko je onda ubijao?

Osuđen na 13 godina zatvora za zločin protiv čovječnosti u Srebrenici • Nakon pojedinih presuda mogao bi nam se ponovo dogoditi genocid, smatra Subašić

Iako je optužen za sudjelovanje u ubistvima oko 1.000 Bošnjaka koja su se dogodila 13. jula 1995. godine u skladištu Zemljoradničke zadruge "Kravica" u općini Bratunac, srebrenički egzekutor Željko Ivanović neće odgovarati za genocid, jer je u presudi Suda BiH ustanovljeno da nema dokaza da je ikoga ubio?!

## Bijeg zarobljenika

Presuda je izazvala ogorčenje među žrtvama genocida koje, kako kažu, sve manje vjeruju da će pravda, konačno, stići srebreničke kasapine. Sramotno je, upozoravaju, da je, umjesto za genocid, bivši pripadnik Drugog odreda Specijalne policije Šekovići pri MUP-u RS osuđen na 13 godina zatvora za zločin protiv čov-

ječnosti u Srebrenici.

Presudom je utvrđeno da je Ivanović učestvovao u zarobljavanju muškaraca Bošnjaka u Sandićima te njihovom sprovođenju i zatvaranju u skladište u Kravici. Ivanović je, naime, stao u polukrug iz kojeg je otvarana vatra na zarobljenike, nakon čega je otišao iza skladišta da bi onemogućio njihov bijeg. Za to vrijeme ostali pripadnici Odreda mučki su ubijali zarobljene Bošnjake.

U skladištu je ubijen i Muriz Sinanović, muž Suhre Sinanović, predsjednice Udruženja "Žene Podrinja", koji je ekshumiran 1998. godine. Skelet nikada nije kompletiran. Nedostajalo mu je pet zuba, a lobanja mu je bila smrskana. Sinanović je ostala udovica s

dvoje djece. Za presudu Ivanoviću saznala je od nas. Nije se mogla suzdržati. Zaplakala je.

- To je bruka i sramota! Pa, ko je onda ubijao naše muškarce ako je ovaj samo posmatrao? Došlo je vrijeme da je bolje biti izvršilac genocida nego žrtva. Oni su se izivljavali u toj zadrugi, bacali su bombe u prostoriju u kojoj su bili zatvoreni. Prvo su ih zakopali u Glogu, pa ih prebacili u Zeleni jadar. Strašno - kaže Sinanović.

## Negiranje genocida

Ona dodaje da je sramotno što Ivanović, kao što je to bila praksa do sada, neće izdržati ni 13 godina zatvora, nego će na slobodu nakon dvije trećine odslužene kazne.

Jedan od svjedoka tokom suđenja Ivanoviću bila

što Ivanović nije osuđen za genocid u Srebrenici.

- Da je osuđen na smrt, nas to ne bi zadovoljilo. Ipak, ako presuda bude potvrđena, u historiju će ući kao zločinac. Morao je biti osuđen za genocid. Mi smo svjedoci. Nakon pojedinih presuda čini se da će nam se ponovo dogoditi genocid - kaže Subašić.

Ona dodaje da je u posljednje vrijeme politika na mala vrata ušla u Sud i Tužilaštvo BiH. Na taj način, tvrdi Subašić, pojedinci žele negirati genocid, a namjera im je da za svaku srpsku žrtvu odgovara po jedan Bošnjak. Istovremeno, krivci za likvidacije hiljada Bošnjaka ostaju nekažnjeni. **F. KARALIĆ**



Ivanović: Sud BiH ustanovio da nema dokaza da je ikoga ubio

je i Munira Subašić, predsjednica Udruženja "Majke enklava Srebrenica i Žepa". Ogorčena je presudom Suda BiH. Zalosno je, kaže,



Sumnja se da je HDZ 1990 finansiran iz Sanaderovog "crnog fonda"

# SIPA prikuplja podatke o Ljubiću!

Slijedi obrada podataka, a potom i eventualno produblivanje saznanja, kazala je Kujundžija, portparol SIPA-e

Državna agencija za istrage i zaštitu (SIPA) prikuplja podatke o navodima da je Božo Ljubić, predsjednik HDZ-a 1990, od bivšeg premijera Hrvatske Ive Sanadera uzeo 1,2 miliona kuna (oko 300.000 KM), saznaje "Dnevni avaz". Sumnja da aktualna korupcijska afera iz Hrvatske vodi i do BiH, odnosno "devedesetke", rasplamsana je nakon što je prethodno

u Zagrebu, čitanjem ranijih iskaza HDZ-ovog rizičara Mladena Barišića, nastavljeno suđenje u slučaju "Fimi medija".

## Predaja novca

- Ivo Sanader mi je rekao da nabavim 1,2 milijuna kuna za potrebe lidera HDZ-a 1990 Bože Ljubića, kojeg je Sanader odlučio podržati nakon raskola u HDZ-u BiH - rekao je USKOK-ovim is-



Ljubić: Pod sumnjom tražiteljima Barišić.

On tvrdi da je bio prisutan na jednom ručku kada mu je Sanader rekao da zajedno s Ljubićem ode u susjednu prostoriju i preda mu novac koji je imao kod sebe. Da SIPA vodi određene



Kujundžija: Javni izvori

aktivnosti u ovome slučaju, potvrdila nam je jučer Željka Kujundžija, portparol SIPA-e.

- To je faza prikupljanja podataka, a nakon toga će uslijediti njihova obrada i eventualno produblivanje saznanja - kazala nam je Kujundžija. **B. TURKOVIĆ**

anija - kazala nam je Kujundžija, uz objašnjenje da policijski službenici SIPA-e svakodnevno, skladno zakonskoj i podzakonskoj regulativi, prikupljaju obavještenja, koristeći pri tome javne izvore kao što su mediji te operativne i tehničke kapacitete agencija te ih analiziraju.

## Policijska istraga

U slučaju da fond prikupljenih saznanja ukazuje na postojanje osnove sumnje o počinjenju krivičnog djela, o istom obavještavaju Tužilaštvo BiH te dalje postupaju prema njegovim naredbama i uputama.

- U konkretnom slučaju, SIPA je putem medija upoznata sa svjedočenjem Mladena Barišića na suđenju Ivi Sanaderu - kazala nam je Kujundžija. **B. TURKOVIĆ**



Bojić: Dobra saradnja

VTKBiH

## Prezentacija Češke izvozne banke

► Vanjskotrgovinska komora (VTK) BiH, u saradnji s Ambasadom Češke u BiH, jučer je u Sarajevu organizirala prezentaciju usluga Češke izvozne banke i izvoznog osiguravajućeg društva.

Predsjednik Vanjskotrgovinske komore BiH Bruno Bojić izjavio je novinarima da Komora ima dobru saradnju s Ambasadom Češke u BiH te da je to rezultiralo i poboljšanjem vanjskotrgovinske razmjene dvije zemlje u 2010. i 2011.

## Mostar Ekonomski forum 27. i 28. aprila

► Forum studenata Ekonomskog fakulteta Univerziteta u Mostaru organizira Međunarodni ekonomski forum pod nazivom "Zemlje zapadnog Balkana na pragu Evropske unije i eura". Forum će biti održan 27. i 28. aprila u amfiteatru Ekonomskog fakulteta.

STBiH

## Novi projekt

► Sindikat radnika trgovine i uslužnih djelatnosti (STBiH) jučer je u Sarajevu počeo projekt Parapravne mreže "Zajedno za jače civilno društvo i bolje usluge članstvu Sindikata". Cilj projekta je proizvesti model koji u svom fokusu ima potrebu uključivanja radnika lično u rješavanje problema iz i po osnovu rada uz odgovarajuće savjetovanje i vođenje. Projekt će trajati tri godine.

## EU info centar Debata na Jahorini

► Debatu o temi "Gender i EU" danas će na Jahorini organizirati EU info centar Sarajevo u saradnji s Centrom za civilno društvo Kyodo i Centrom za sigurnosne studije Sarajevo. U svrhu postizanja ciljeva, spolna ravnopravnost podrazumijeva stalnu borbu, koja konstantno mora biti zaštićena i promovirana, saopćeno je iz EU info centra Sarajevo.

## Loptica prebačena u BiH

Srđan Blagovčanin, izvršni direktor "Transparency Internationala BiH", kaže da je loptica prebačena u ruke istražnih organa BiH.

- Naše nadležne insti-

tucije bi trebale pokrenuti aktivnosti u cilju određivanja istinitosti iznesenih navoda, odnosno trebaju pokrenuti proces ako se navodi pokažu kao osnovani - kaže Blagovčanin.